



NSANJE DISTRICT MOCK

MALAWI SCHOOL CERTIFICATE OF EDUCATION EXAMINATION

CHICHEWA

Monday, 25 March

Subject Number: M032/III
Time Allowed: 2 hours
1:00-3:00 pm

PAPER III

(Malikisi 70)

Malangizo:

- 1. Onesetsani kuti pepalali liri ndi masamba osindikizidwa khumi.
- 2. M’gawo A: Yankhani mafunso onse. (Malikisi 30)
- 3. M’gawo B: Yankhani mafunso awiri okha (Malikisi 40)
- 4. Lembani dzina lanu ndi dzina la sukulu yanu pamwamba pa tsamba lililonse loyankhirapo.
- 5. Muchitebulo chili kumbalichi onetsani funso lililonse lomwe mwayankha pochonga mubokosi lomwe liri kutsogolo kwake.
- 6. Perekani pepalali kwa oyang’anira mayeso nthawi ikakwana.

Funso	Chongani funso ngati mwayankha	Muno musalembembo	
1			
2			
3			
4			
Total			

**Nkhani za Mchezo ndi Zolembedwa
(Malikisi 30)**

Langizo: Yankhani mafunso **onse** m'gawoli.

1. Werengani ndakatulo ili m'munsimu ndipo muyankhe mafunso otsatirawo:

MBETA

Ndikadakhala yopanda chajira
Icho nkadachipeza mwa alimi
Mu fetereza m'matumba
Indedi mwamkokomo nkadatsanyuka
Monga ya mpoto mvula
Poo, nkadachokera niyimba lokoma

Komatu lili gwa!
Langa thupi ngati lubwe
Lingatenge kuti onunkhira
Nanga yosalalitsa
Aaa, ndikufuna wanga
Wangawanga wapansengwa.

Kalanga ya njinga ndalira
Amuna ambiri osandiona
Ndikamkumaniza m'modzi
Inetu ndili haa, lamphawi laponda
Pedegu makutu ndichita
Koma ayi tere ondiona osandiyankhula

Chifukwa ninji ondiona sathyola mkhwani?
Akakamba mawu, zambwerera zokhazokha
Inetu mtima psuu, thupi ulesi waa!
Mwa ine madzi nde, komatu amphutsi
Mmoyo mwanga ndadziwa
Mwezi udadzamo ndi thumba.

Nkumanja zoonadi amuna
Ngati ine olifuna
Ine ndisemerani yanga ndodo
Bwerani tilimange ngati la ena
La umphawi wa mazunzo banja.

Tsopano yankhani mafunso otsatirawa mumipata ili m'munsimu.

a. Kodi akuyankhula m'ndakatulomu angakhale ndani?

_____ (malikisi 1)

Mafunso akupitilira/...

b. Nanga iyeyu akuyankhula ndi ndani?

_____ (malikisi 1)

c. Tchulani chinthu chimodzi chomwe woyankhulayu akufunitsitsa
chitachitika m'moyo mwake.

_____ (malikisi 1)

d. Perekani zipangizo zitatu zomwe mlembi wa ndakatuloyi wagwiritsa ntchito
ndipo pachipangizo chilichonse muperekepo chitsanzo chimodzi.

_____ (malikisi 2)
_____ (malikisi 2)
_____ (malikisi 2)

e. Pezani mawu m'ndakatulomu omwe matanthauzo ake ndi ali m'munsiwa:

i. Zosagwira mtima

_____ (malikisi 1)

ii. Chita mwayi

_____ (malikisi 1)

f. Fotokozani kamvekedwe ka woyankhula m'ndakatuloyi.

_____ (malikisi 1)

g. Tchulani mtundu wa mphendero yomwe mlembi wagwiritsa ntchito
m'ndakatuloyi.

_____ (malikisi 1)

h. Perekani uthenga umodzi womwe uli mu ndakatuloyi.

_____ (malikisi 2)

2. Werengani nkhani ili m'munsiyi ndipo yankhani mafunso otsatirawo.

KUSANKHA CHINTHU CHIMODZI (A. H. Mponda)

M'mudzi wina munali banja lina limene linali ndi chuma chambiri choposa chimene maanja ena onse anali nacho m'mudzimo. Banjalo linali ndi nyumba zabwino, ng'ombe, nkhekwe za zakudya ndi zovala zambiri ndipo silinkasowa kanthu. Banja la chumalo linali lamakhalidwe abwino kwambiri ndipo linali ndi abwenzi ambiri amene ankalikonda chifukwa cha mtima wofuna kukhala bwino ndi munthu aliyense.

Bambo ndi mayi olemerawo anali ndi mwana wamwamuna mmodzi amene ankamukhulupilira kwambiri. Anthuwo anali ndi wantchito wamwamuna mmodzi amene anakhala naye zaka zambiri ndipo wantchitoyo ankangokhala ngati mwana wachisamba wabanjalo.

Chaka china mwamuna wolemera uja anayamba kudwala. Tsiku lina matenda anafika povuta kwambiri ndipo bambo uja anakhala ndi banja lake ndipo kenako anapemphera pamene anaona kuti anali pafupi kutsirizika chifukwa anali wokalamba kwambiri. Atatha pemphero lake, iye ananena kuti zoonadi anali munthu wamvula zakale ndiponso anali wachuma chambiri. Anati chomwe anafuna chinali choti akamwalira, chuma chake chonse chidzapatsidwe kwa wantchito wake osati kwa mwana kapena mkazi wake ayi. Komabe iye anati mwana wakeyo adzaloledwe kusankha chinthu chimodzi chokha basi ndipo zonse zotsala zidzakhale za wantchito. Izi zinadabwitsa kwambiri mwana ndi mkazi wake.

Patapita tsiku limodzi, mwamuna uja anamwalira ndipo dera lonse lija linalira maliro momvetsa chisoni chifukwa cha maliro a wokondedwa wawo. Anthu ambiri analiranso kwambiri atamva zomwe malemuwo ananena zokhudza chuma chake.

Nthawi yolira maliro itatha, mnyamata uja anayamba kukhala ndi maganizo ambiri popeza sanadziwe chinthu chimodzi chokha chomwe iye anayenera kusankha. Chifukwa cha kudya mutu nthawi yaitali, iye anayamba kuwonda kwambiri ndipo ankangokhalira kudandaula kuti chuma chake chipita kwa munthu wadera.

Tsiku lina mnyamatayo akuyenda mnjira chifukwa chosowa zochita, anaona mayi wina wokalamba wa mmudzimo atasenza katundu. Mnyamatayo anamuthangata mayi wokalamba uja pomunyamulira katundu wake mpaka kukamufikitsa kunyumba kwake. Asanabwerere

Mafunso akupitilira/...

kwawo, mayi wokalamba uja anamufunsa mnyamatayo chifukwa chomwe ankakhalira wosungulumwa komanso chomwe chinkamuondetsa. Mnyamata uja analongosola za chomwe chinkamudya moyo wake. Mayi uja anamuuzza mnyamata uja chomwe iye anayenera kusankha mmalo mwa zonse. Atamva malangizowo, m'nyamata anayamba kusangalala chifukwa anapeza chosankha chabwino.

Tsiku losankha chinthu chimodzi litakwana, kunyumba kunasonkhana khwimbi la anthu bii omwe anafuna kuona chomwe mnyamata uja asankhe poti chuma chonse chija chinali cha wantchito uja osati mnyamatayo kapena amake.

Bungwe la anthu omwe ankayendetsa mwambo woti mnyamata uja asankhe chinthu chimodzi, linamuuzza mnyamata kuti asankhe chinthu cha kumtima kwake.

Wapampando wagululo anati, “Nthawi yakwana, yoti usankhe chinthu chimodzi. Tsopano sankha chinthu chimodzi monga momwe ananenera malemu bambo ako.”

Mnyamatayo anamwetulira ndipo anati, “Ndiliba chosankha china; ndasankha wantchitoyu. Zikomo kwambiri.”

Anthu onse anazizwa ndi nzeru za mnyamatayo ndipo anasangalala kwambiri.

- a. Nkhaniyi ikuchitira kuti?

_____ (malikisi 1)

- b. Ndi khalidwe lotani lomwe mwini chuma adawonetsa kwa wantchito wake?

_____ (malikisi 1)

- c. Fotokozani papondachimera pa nkhaniyi.

_____ (malikisi 2)

- c. Tsimikizani kuti mwana wa mwini chuma adali waulemu.

_____ (malikisi 2)

e. Kuchokera m'nkhaniyi, perekani chitsanzo cha:

i. chifanifani

(malikisi 2)

ii. chining'a

(malikisi 2)

iii. mvekero

(malikisi 2)

f. Pezani matanthauzo a mawu awa:

i. wamvula zakale

(malikisi 1)

ii. kudya mutu

(malikisi 1)

iii. chinkamudya moyo

(malikisi 1)

Gawo B

(Malikisi 40)

Langizo: Yankhani mafunso awiri okha m'gawoli m'ndime zofotokozedwa bwino.

NTHONDO (S J Nthala)

3. a. Tsimikizani popereka mfundo zinayi zomwe zikuonetsa kuti umphawi

udakuntha kwambiri anthu a m'nthawi ya Nthondo. (malikisi 20)

KAPENA

b. Tsimikizani popereka mfundo zinayi zosonyeza kuti atengambali ena

m'bukhu la Nthondo adali achifundo. (malikisi 20)

Mafunso akupitilira/...

2024 Page 7 of 10 M032/III

Page 7 of 10

M032/III[illegible]

Mafunso akupitilira/...

CHAMDOTHE NDI ZISUDZO ZINA
(W Nkhoma, S Likongwe)

ZIKANI

4. a. Tsimikizani popereka mfundo zinayi zosonyeza kuti padali mkangano
waukulu pakati pa atengambali wena mu chisudzo cha Zikani. (malikisi 20)

KAPENA

MUDZI WA MFUMU TANDWE

- b. Tsimikizani popereka mfundo zinayi zosonyeza kuti nkhanza ndi imodzi mwa mfundo
yopezeka mu chisudzo cha mudzi wa mfumu Tandwe. (malikisi 20)

2024 Page 9 of 10 M032/III

Page 9 of 10

M032/III[illegible]

Mafunso akupitilira/...

NAME:_____ **SCHOOL NAME:**_____

2024 **Page 10 of 10** **M032/III**

2024

Page 10 of 10

M032/III[illegible]

MAFUNSO ATHERE PANO

NB: Onetsetsani kuti pepalali liri ndi masamba osindikizidwa khumi ndi limodzi